

Tusi Paia Tamaiti
meaalofa

O Vavega a Iesu



Tusia e: Edward Hughes

Fa'atusa e: Byron Unger; Lazarus
Alastair Paterson

Fetuuna'i e: E. Frischbutter; Sarah S.

Fa'aliliu e: www.christian-translation.com

gaosia e: Bible for Children
www.M1914.org

©2021 Bible for Children, Inc.

Laisene: E iai lau aia tatau e kopi pe lolomi ai lenei tala,
pe afai e te le fa'atau atu.




Na faia e Iesu le tele o vavega.
O vavega o faailoga ia e iloa ai
o Iesu o le Alo moni o le Atua.



O le vavega muamua na tupu i se
tausamaaga. Sa tulai mai se faafitauli.
Sa le lava le uaina mo tagata uma.



O Maria, le tina o Iesu, na tau atu
ia te Ia e uiga i le faafitauli, ona
fai atu lea i auauna e fai soo se
mea e poloaiina ai e Iesu.



"Ia faatutumu ia ipu i vai," na fetalai atu ai Iesu. "Suavai?" atonu na latou fesili mai ai. Ioe, o le vai na talosaga atu ai Iesu.



Ona fetalai atu lea o Iesu i se auauna
e aumai mai se ulo tele
e tasi ma tuu atu i
le alii na te pulea
le taumafataga e
tofo i ai. Ua avea
nei le vai ma
uaina! Uaina
lelei! Le
uaina sili!



Sa ofo auana. Ua
liua e Iesu le vai i
le uaina. E na o le
Atua e mafai ona
faia na vavega.



Na faia e Iesu isi vavega. I
se tasi afiafi, na o atu ai o Ia
ma Ona soo i le fale o Peteru.
Sa ma'i tigaina le tina o le
toalua o Peteru i le fiva.



Na pa'i atu Iesu i le lima o le fafine
ma'i. E le'i umi ae toe malosi o ia. Sa
tulai o ia e auauna ia Iesu ma le au soo.



Na foliga mai na
faapotopoto le
aai atoa i le
faitotoa i lena
afiafi. Na o mai
tagata mama'i -
tauaso, tutuli,
gugu, pipili.



E oo lava i tagata o
loo i ai temoni
o loo nonofo ai,
sa lolofi atu ia
Iesu. Mata e
mafai ona Ia
fesoasoani
i le toatele?



E mafai ona fesoasoani Iesu, le Alo o le Atua. Sa fesoasoani Iesu. O i latou uma na o mai ia te Ia sa faamaloloina. O tagata na tosoina le olaga i luga o tootoo ua mafai nei ona savavali ma taufetuli ma osooso.



'Ua ō mai fo'i isi,
o ē 'ua leaga
i le lepela.



Sa faamaloloina
i latou ma mama
a o faamaloloina
i latou e Iesu.



Na tutū i luma o Iesu o tane ma fafine
ua mafatia i
temoni. Na
ia poloa'i atu
i temoni e ō
ese mai iā i
latou. A o
usiusitai
temoni, sa oo
ina toafilemu
ma olioli
tagata
matatau ma le le fiafia.



I tua atu o le motu o tagata,
sa taumafai tagata e toafa e
fesoasoani i la latou uo ia Iesu.



Ae sa le mafai ona latou faalatalata atu.
O le a se mea e mafai ona latou faia?



I le siiina atu o le
tamāloa ma'i i luga
o le tauvaluga o le
fale, ...



... na toso ese ai e ana uō
faamaoni e to'afā le
taualuga ma tuutuu
ifo i lalo. O lea ua
latalata o ia
ia Iesu.



Na silafia e Iesu le faatuatua
o uō e to'afā. 'Ua
fetalai atu o ia i le
tagata ma'i, "'Ua
fa'amāgaloina au
agasala, 'inā 'ave
ia lou moega ma
savali." Na tu
i luga le tamaloa,
ua malosi ma
malosi. Sa
faamaloloina o ia e Iesu.




E le'i umi ae iai Iesu i
le vaa ma ona soo. O se
afā mata'utia na
sousou ai le sami.
Sa moe Iesu.




Na fafagu o Ia e le au
soo matatau. "Le Alii e,
ia e faaola mai ia te i
matou," na latou
alalaga ai.
"Matou te fano!"



"Faalologo ia," o le faatonuga a Iesu i galu. I le taimi lava lena, sa toafilemu le sami. "O le a le ituaiga tagata lea?" Sa musumusu Ona soo. E oo lava i le matagi ma le sami e usitai ia te Ia.



Sa latou talitonu o Iesu o le Alo o le
Atua aua o Ana vavega na faaalua ai Lona
mamalu. E lei iloa e le au soo, ae o le a
latou vaai ia Iesu o faia
vavega e sili atu
a o Ia auauna atu
i le Atua i tagata.



O Vavega a Iesu

O se tala mai le Afioga Atua,
le Tusi Paia,

e maua i totonu

Mataio 8-9, Mareko 1-2,
Mareko 4, Luka 4, Luka 8, Ioane 2

"O le ulufale mai o au afioga e maua
malamalama." Salamo 119:130



O le faaiuga



O lenei tala o le Tusi Paia ua ta'u mai ai e uiga i lo tatou Atuai tatou ma o lē e finagalo ia e iloa o Ia.

Ua silafia e le Atua ua tatou faia mea leaga, lea ua Ia ta'ua o le agasala. O le faasalaga o le agasala o le oti, ae e alofa tele le Atua ia te oe ua Ia auina mai Lona Alo e toatasi, o Iesu, e maliu i luga o le mo au agasala. Ona toe soifua mai lea o Iesu ma afio i le aiga i le Lagi! Afai e te e faamagalo au agasala, o le a Ia faia! O le a afio mai o Ia ma nofo i totonu ia te oe i le taimi nei, ma o le a e mau faatasi ma Ia e faavavau.



Afai e te talitonu o le mea moni lenei,
fai atu i le Atua:

Iesu pele e, ua ou talitonu o Oe o le Atua,
ma ua avea oe ma tagata e oti mo a'u
agasala, ma ua e toe soifua mai nei.

Fa'amolemole, sau i lo'u olaga ma
fa'amāg'u agasala, ina ia mafai ai ona ou
maua le ola fou i le taimi nei, ma alu atu
se aso e mafuta ma Oe e fa'avavau.

Fesoasoani mai ina ia ou usita'i
ia te Oe ma ola mo Oe o Lau tama.

Amene.

Faitau le Tusi Paia ma talanoa ma le
Atua i aso uma! Ioane 3:16

